



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XXXIX.

urn:nbn:de:hbz:466:1-11453

rat uterq; non iniustam fouere causam: poterant res, ut modo sunt, facili momento ad concordiam perduci. Sed tum permittente Domino, tante sunt in regionibus cædes peractæ, tanta patrata latrocinia, incendia facta, ut incredibile dictu sit, quæ vastitate ecclesiarum & monasteriorum prouentus sint ad nihilum redacti.

CAPVT XXXIX.

HAc diuersitate diu inualecente, cum pax in orbe Christiano floreret, infelix Germania quietem nesciebat: sed partium studia in se exardescencia, inuicem multa irrogare damna non cessabant. Dedit nature arbiter Deus (incertum qua mente) signum iracundæ commotionis: Nam terremotus insignis in Germania & Italia fuit: Concussa ædificia solidissima: integræ ciuitates conscissæ: & in ecclesia Leodiensi in vigilia Dominicæ Ascensionis, cum decem collegiorum membra in unam maioris ecclesiæ basilicam conuenissent ad sacra solennia peragenda, vix primus psalmus erat peractus, subito sereno celo repentina ingruerant tenebræ noctem intentantes: Consternatis mox tantus nubium sonitus instrepuit, ut nunquam par aut maior collisio fuerit audita. Fulgur quoque tam terribile alio in tempore se cunctis ciuitatibus quasi de proximo ingerebat, ut quanuis distantissima essent vrbes, quæque tamen supra suum esse caput vibratum arbitraretur. Imperator tum in Italia agens, cum ad pontificis conciliationem crebros misisset nuncios, nihil aliud accepit responsi: Se, qui in eum excommunicationis sententiam non tulisset, non illam posse sustollere, nisi ex arbitrio patrum, qui synodo interfuissent. Deinde proximo anno Papa Paschalis obdormiuit, ipso die Resurrectionis Dominicæ

primo manè. Ità ferunt apertum calum luce meridiana fulgentius per horam integram claruisse, vt luna, quæ tum plena erat, omninò non videretur. Crux interim visa est in medio dependere, gemmis etiam interlucens notabilis. Imperator autem, audita morte pontificis, Romam contendit, consensumq; Iohanni, qui Gelasius II. dictus est, præbuit. Electus autem cum se Imperatoris communioni subtraheret, ab ipso improbatum: Burdinus quidam ab Hispania superueniens, ab Imperatore in sedè Petri collocatur. Romani tamen aliquanto diuersius rem narrant: Gelasium ritè electum: Cuius Romanos, Fregepanos appellatos, quorū princeps Cincius, conclaue irrumpentes, cum pontificem ex sua familia deposceret, malè senem multatum in vincula rapuisse: sed inde erutum aliorum manu Romanorū, perductum in Tybrim, vt abiret, aduersante vento cum amne & mari, superuenientes Teutonicos, fugam prohibuisse, noctū tamen deportatum: Inde creatum quendam Mauricum, quem Gregorium dixere VIII. Aduersarij tamen irrisione quadam vocitasse Burdinū. Cuiusque Gelasius in Campania se contineret, & magna Italia pars illi accederet, Henricum redysse in Lombardiam. Quo tempore Gelasius in Urbem, amicorum freta auxilio, redijt: Deinde vbi contendit in Galliam, celebrato concilio, diem suum obiit. Calixtus illi surrogatus, Milo prius dictus, episcopus Viennensis.

CAPVT XL.

Imperator interea cum audisset in Germania contra se agi concilia, per Cunonem Prænestinum apostolicæ sedis legatum, primum Colonia, deinde Frislarie, repetita semper Imperatoris excommunicatione, omnia dissimulanter tulit. Vbi verò Herbipoli maiorem totius

Germ-